

四庫全書

集部

欽定四庫全書

集部  
元風雅前集  
目錄  
卷二

詳校官通政使<sub>臣</sub>夢吉

助教<sub>臣</sub>常循覆勘

總校官庶吉士<sub>臣</sub>倉聖脉

校對官中書<sub>臣</sub>范來宗

謄錄監生<sub>臣</sub>龔果

欽定四庫全書

集部八

元風雅

總集類

提要

臣等謹案元風雅二十四卷前集十二卷乃元傅習采集時人之詩而儒學正孫存吾為之編類者後集十二卷則存吾所獨輯也前集首劉因凡一百十四家後集首鄧文原凡一百六十六家有一人而兩見者間載作者

爵里俱不甚詳其中收江西人所作最多蓋  
一時隨所見輯錄故首尾殊無倫序然元詩  
總集甚尠顧嗣立所選大抵有全集者始錄  
故零章斷什多見遺畧賴良大雅集雖家數  
較詳而所收又吳越間人為多亦未能賅備  
得此本以相參証而世不習見之人與不經  
見之詩賴以得存者亦不少矣習字說卿清  
江人存吾字如山廬陵人其行履不可考觀

謝升孫虞集俱為之序蓋在元末頗有時名者又案范氏天一閣所進書中有元朝野詩集二冊亦題作元風雅不知何人所編其體例與此全異而紛亂舛錯幾至不可句讀乃傳抄不全之帙固不若此本之完善也乾隆四十二年三月恭校上

總纂官臣紀昀陸錫熊臣孫士毅

總校官臣陸費墀

欽定四庫全書

提要

元風雅原序

詩者斯人性情之所發自擊壤來有是矣然體制隨世道升降音節因風土變遷以近代言唐詩不與宋詩同晚唐難與盛唐匹我朝混一海宇方科舉未興時天下能言之士一寄其情性于詩雖曰家藏人誦而未有能集中州四裔文人才子之句彙為一編以傳世行後者廬陵孫君存吾有意編類雕刻以為一代成書其志亦可尚已吾嘗以為中土之詩沉深渾厚不為綺麗語南

人詩尚興趣求工於景意間此固關乎風氣之殊而語  
其到處則不可以優劣分也編詩者當以是求讀者亦  
以是觀則得之矣子其徧歷風騷之國而搜訪焉庶乎  
是集可無遺憾若夫可否去取自有當今宗匠在至元  
二年丙子三月晦日盱江南窓謝升孫子順父敘

詩之為教存乎性情苟無得于斯則其道謂之幾絕可  
也皇元近時作者迭起庶幾風雅之遺無愧騷選然而  
朝廷之制作或不盡傳于民間山林之高風或不俯詣



于流俗以詠歌為樂者固嘗病其不備見也清江傳說  
卿行四方得時賢詩甚多卷帙繁浩廬陵孫存吾畧為  
詮次凡數百篇而求余為之題辭余觀其編以靜修先  
生劉夢吉為之首自我朝觀之若劉公之高識遠志人  
品英邁卓然不可企及冠冕斯文固為得之前後能賦  
之賢未易枚舉偶有未及非逸之也若乃僕區區曹鄣  
之陋則在所不足錄云至元二年歲在丙子八月辛巳  
邵菴道人虞伯生題詞

欽定四庫全書



原序

欽定四庫全書

元風雅姓氏前集目錄

卷一

劉靜脩

因

巴延丞相

郝天挺

史紫微

盧疎齋

摯

貫酸齋

雲石

許魯齋

衡

張仲疇

易

李道復

孟

虞伯生

集

卷二

張野夫

野

元明善

鮮于伯機 樞

趙子昂 孟頫

程雪樓 鉅夫

閻靜軒 復

卷三

交趾王 陳益稷

徐參政

劉侍史

梁宣慰

曾

何理問

張天師

吳宗師

全節

滕玉霄

斌

馮海粟

子振

吳草廬

激

卷四

李伯宗

之紹

柳道傳

貫

陳濟淵

馬伯庸

祖常

聶古栢

龍麟洲

仁夫

葉友竹

留

杜竹處

卷五

安竹齋

明普彥

文子方

矩

袁伯長

掄

歐陽元功

玄

杜清碧

本

楊仲弘

載



卷六

李竹所

何吾山

劉時中

致

吳敬庭

李長源

沔

楊鵬翼

陳自堂

卷七

劉須溪

晨翁

劉立雪

鑑

劉養吾

將孫

揭曼碩

後斯

羅礪谷

椅

孫伯善

卷八

黃南卿

湯子文

炳龍

劉雲山

申屠致遠

趙半閒

羅滄洲

張周卿

之翰

周石原

王性存

趙心遠

趙季文

連伯止

文鳳

胡尊生

宋本

孫用復

黃河清

胡古愚

助

卷九

高若鳳

張叔暘

許獻臣

趙蒙齋

璧

倪中宣

倪若水

范德機

榜

孫存吾

張息堂

卷十

甘東溪

泳

薩天錫

林彥臬

寬

李源道

夏果齋

胡斗南

陳中山

宋梅洞  
達

龔子敬  
璠

梁隆吉  
棟

李古淡

李誠泉

彭容庵

仇仁近  
遠

吳漢儀

卷十一

何頤貞

黃子肅  
清老

張希孟  
養浩

趙茂原  
楠



楊達可

吳仁傑

鄧或之

陳敬翁

蕭南軒

卷十二

先一初

陸文圭

陳魚村

易炎正

張嗣良

何太虛

中

陳晉齋

天錫

甘虛庭

凌虛谷

高孤雲

應居仁



欽定四庫全書

元風雅前集卷一

元 傅習 編

劉靜脩 先生名因字夢吉保定人裕宗皇帝在  
青宮聞其賢以資善大夫召至京師未幾以親老  
求歸養居數歲朝廷尊仰德義拜集賢學士又以  
疾辭踰年遂不起年纔四十有五縉紳惜之

黃金臺

燕山不改色易水無新聲誰知數尺臺中有萬古情區

區後世人猶愛黃金名黃金亦何物能為賢重輕德輝  
照九仞鳳鳥纔一鳴伊誰腐鼠棄坐見饑鳶爭周道日  
東漸二老皆西行養民以致賢王業自此成黃金與山  
平不救兵縱橫落日下荒臺山水有餘清

翟節婦

兵塵浩無際烈士難自全婦人無九首志欲不二天燕  
山翟氏女既嫁夫防邊一朝聞死事健婦增慨然生有  
如此夫早寡非所憐求尸白刃中負土家山前事去哀

益深義盡身可捐無兒欲何為所依惟黃泉鄉鄰救引  
訣烈日丹衷懸誰辦節孝翁重賦睢陽賢我昨過其鄉  
山水猶清妍聞風髮如竹飄蕭動疎烟千年吟詩臺我  
我大寧巔為招馮太師和我節婦篇

有大如天地

有大如天地日夜長乾乾有小如螻蟻營營誰使然我  
亦形蹟中豈得獨安閒萬物相為用錯綜盈兩間如身  
百骸具少一為不完有形無虛生豈予獨贅偏森然氣

分內既有不可鑄蝮蛇誰宥之生生亦能延安有人道  
尊堙滅獨不傳乾乾以為師餘者一聽天

旃平學仙臺

碣石來海際西南奄全燕中有學仙臺旃平欲升天  
旃平骨已朽遺臺猶相傳雖復生青松歲久摧為烟極目  
望海波不見三山顛三山巨鼇背山人蟻蝨然使無不  
足論信有亦可憐大塊如洪鑪金石能久堅天地會有  
盡何物為神仙空山無笙鶴落日下饑鶩今古非一臺



浩歎秋風前

登武陽

朝遊樊子館  
晚上武陽城  
潮接滄溟近  
山從碣石生  
斷虹雲淡白  
返照雨踈明  
日暮悲吟發  
樵歌已慘情

易臺

望中孤鳥入  
消沉雲帶離  
愁結暮陰萬  
國河山有燕趙  
百年風氣尚  
遼金物華暗  
與秋光老  
杯酒不隨人意深  
無限霜松動  
岩壑天教搖  
落助秋吟

山家

馬蹄踏水亂明霞  
醉袖迎風愛落花  
怪見溪童出門望  
鵲聲先我到山家

巴延丞相

度梅關

馬首經從庾嶺歸  
王師到處悉平夷  
擔頭不帶江南物  
只插梅花一兩枝

鞭

一節高方一節低幾回敲鐙月中歸雖然三尺無鋒刃  
百萬雄師屬指揮

郝天挺

麻姑山

路入尋幽景便嘉石田瑤草帶烟霞注經洞古亡遺檢  
養藥爐存失舊砂青鳥空傳王母信綵鸞應到玉皇家  
岩扉不掩春長在老却碧桃無數花

史紫薇

江南曲

風淒露冷江南岸  
瑟瑟寒波秋練練  
採蓮歌斷紅雲空  
蘋葉蘆花結新怨  
鴛鴦鸕鶿俱可憐  
相呼相喚沙鷺眠  
白頭漁子搖蒼烟  
一雙飛上枯樹顛

荒塚謠

荒岡斷壠誰家墳  
經年無主蒿草繁  
土崩棺蝕漆燈滅  
狐狸作巢生子孫  
牧童燒火山葉赤  
花磚迸裂松行根  
牯牛作羣來礪角  
折碑盡是淚土痕  
夕陽未下燐火出

陰風刺刺雲昏昏  
精靈月下相往來  
嚶嚶若歛如人言  
君不見昨日城中  
車馬客又來尋地  
為真宅

盧疎齋

題太白墓

大雅清風久不聞  
一杯聊為洗荒墳  
朱絃三歎無今古  
說與江東日暮雲

婺源縣齋書事

竹樹映清曉  
坐聞山鳥鳴  
瓶花香病骨  
簷雨挾詩聲  
客

亦非餘子春無負此生明朝予問俗吟罷却須晴

書梓山堂經室

問俗來山郭攜春到竹溪花香破禪寂林樾受鶯啼欲  
和觀音偈聊乘醉墨題閒雲若留客不肯為余西

題子陵釣臺

雲山蒼蒼兮烟木稠石灘潺潺兮江水流故人兮冕旒  
先生兮羊裘使人皆先生兮誰其伊周使人不先生兮  
誰其巢由可仕止久速兮舍聖人將焉求清風一絲兮

豈為名鈎焦黃荔丹兮香火千秋岸下幾箇兮榮辱之  
舟先生一笑兮白雲收

貫酸齋

白兆山桃花岩

美人一別三千年思美人兮在我前桃花染雨入白兆  
信知塵世逃神仙空山亭亭伴朝暮老樹悲啼發紅霧  
為誰化作神仙區十丈風烟隔淮浦暖翠流香春自活  
手掀殘霞皆細末幾回雲外落清嘯美人天上騎丹鶴

神遊八極栖此山流水杳然心自閒解劍長歌一壺外  
知有洞府無人間酒酣仰天呼太白眼空四海無纖物  
明月滿山招斷魂春風何處求顏色

美人篇

仙風彫雪玲瓏溫吳姬剪月纖纖昏行雲補髻翠光滑  
鳳凰叫落空山月手摘閒愁八字分青山恨重畫不伸  
肌濃汗膩朱粉勻背人揮淚粧無痕霜刀自製石榴裙  
閉門不識諸王孫綠烟薰暖藍田玉羅帶隨風換粧束



飛鳥銜怨過長門芳菲不忍韶華屋連環步窄玉珮响  
霓裳袖潤東風長釧鬆腕瘦覺多情舉指搔天天亦癡  
枕香帳冷蘭燈沉落花不入芙蓉衾三山路杳銀河深  
彩鸞高訴愁人心天與美人傾國色不知更與美人節  
夢裡梅花夢我身萬古千年一明月

君山行

北溟魚背幾千里負我大夢遊弱水蓬萊隔眼不盈拳  
碧落香銷吹不起茜裙女兒懷遠遊遠人不歸明月羞

寶釵綰髻翠欲流風鬟十二照暮秋  
女媧鍊石補天手  
手拙石開露天醜瓊樓玉宇亦人間  
直指示君君見否  
斯須魚去夢亦還白雲與我遊君山

畫龍歌

老墨糊天霹靂死手擘明珠換眸子  
一潛淵澤久不躍  
泥活風鬚色深紫虬髯老子家燕城  
怒吹九龍無餘燈  
手提百尺陰山冰連雲塗作蒼龍形  
槎牙爪角隨風生  
逆鱗射月干戈聲人間仰視翫且聽  
參辰散落天人驚

瀟湘浮黛蛾眉輕太行不讓蓬萊青烈風倒雪銀河傾  
珊瑚盞澗堪不平吸來噴出東風迎春色萬國生龍庭  
七年早絕堯生靈九年澇漲舜不耕爾來化為霖福  
為吾大元山海足

觀日行

丁巳春三月余之所謂寶陀山顛有石曰盤  
陀往觀之初疑其大不可量既歸宿作詩時  
方夜半僧魯山同賦

六龍受鞭海水熱夜半金烏變顏色天河蘸電斷鼇膊  
刀擊珊瑚碎流雪朔方野客隨雲閒乘風來遊海上山  
飛驤拖空渡香水地避中原雜聖凡壯鰲九尺解霜鼓  
瘦紋巨大自掀舞驚看月下墨花鮮欲作新詩受龍女  
人生行此丈夫國天吳立濤欺地窄乾坤空濶落春帆  
身在東南憶西北

采石歌

采石山頭日頽色采石山下江流雪行客不過水無跡

難以斷魂招太白我亦不留白玉堂京華酒淺湘雲長  
新亭風雨夜來夢千載相思各斷腸

別離情

吁別離之苦兮蒼梧之野春草青黃陵廟前春水生日  
暮湘裙動輕翠脩竹亭亭染紅淚又聞垓下虞姬泣斗  
帳初驚楚歌畢佳人閣淚棄英雄劍血不銷原草碧何  
物謂之別離情肝腸剝剝如銅聲不如斫其竹剪其草  
免使人生為情老

題廬山太平宮

山上清風山下塵，碧沙流水淺如春。  
不知松外誰敲月，驚動南華夢裡人。

蘆花被

僕過梁山泊，有漁父以蘆花為被。僕尚其清，  
欲易之以紬者，翁曰：君尚其清，願以詩輸之。  
採得蘆花不沈塵，綠莎聊復藉為裯。  
西風刮夢秋無際，夜月生香雪滿身。  
毛骨已隨天地老，聲名不讓古今貧。

青綾莫為鴛鴦妬款乃聲中別有春

題陳北山扇五首

秋鳴無數醉秦娥却把輕風惹扇羅明月碧澄天似水  
此山雲氣動纖波

紅旭如鉛海上來蒼蒼烟霧小蓬萊東風昨夜醇如酒  
醉得桃花滿樹開

翠幙低垂護午陰碧瓶裡面水痕深東風截斷人間熱  
勾引清涼養道心

一簾明月倚欄杆  
宇宙尤宜就裏看  
飛上仙槎河漢近  
手招沆瀣海銅盤

功成不用服丹砂  
笑指雲霞摠是家  
清曉山中三尺雪  
道人神氣是梅花

許魯齋

趙氏南莊

曉起北窓涼  
清談戰羽觴  
入簾花氣重  
落地燕泥香  
夢裡青山好  
吟邊白日長  
秋風載書籍  
相對築茅堂



和先生姚公

去去迷途莫問津，問來還恐不知真。  
因時用舍固有命，與道卷舒還在人。  
百尺竿頭愁據險，一庵林下樂為鄰。  
孰輕孰重何須問，夢想故園桑柘春。

贈竇先生行二首

西山山下覓幽村，水竹鄰居擬卜君。  
豈意天書下白屋，便收行李入青雲。  
功名准自英雄立，得失防因去就分。  
萬里風沙渺南北，請歸消息幾時聞。

莫謝風沙老不禁  
斯民久已渴商霖  
願推往古明倫學  
用沃吾君濟世心  
甫治看將變長治  
呻吟爾復化謳吟  
千年際會真難得  
好要先生着意深

偶成

萬物備吾身  
身貧道未貧  
觀時見物理  
主敬得天真心  
與星辰夜情  
新草木春自  
伶斷喪後能  
作太平民

病起

花透香風入短櫺  
草抽新綠倚柴荆  
正憂多病作身累

且喜幽居見物情  
花為可觀遭天折  
草因無用得欣榮  
世間巧拙都相半  
不許區區智力爭

謝梁安撫惠田

晚來乘輿入幽居  
擬即君侯置一區  
令德久思親慷慨  
佳田今許乞膏腴  
太行西對千峰玉  
淇水東窺萬斛珠  
幸着此身於此老  
願從樂正五人俱

張仲疇

送許魯齋歸山

諸相纍纍入省闈先生何事獨西歸心隨道隱貧非病  
老得身閒古亦稀行色一杯燕市酒春風二月楚山薇  
到家已及蠶生日布穀催耕隴麥肥

李道復

偶成

日午山中道停驂進步難齷侵苔徑滑風入毳袍寒在  
國終無補全身尚未安一樽茅店酒強飲不成歡

喜雨

誰調元氣入淋漓  
枯槁回生只片時  
依舊野雲無着莫  
高天濶地任風披

寄東宮二首

艱難勤危從俯仰  
盡周旋小試屠龍技  
翻成抱虎眠  
脫鈎魚縱壑漏網鳥冲天  
萬事從今始灰心未死前  
十年陪顧問一旦決安危  
自合成功去應懸識事遲長  
城徒自壞孤注妄相疑  
辟敝求仙者高名百世師

初科知貢舉

百年場屋事初行一夕文星聚帝京豹管敢窺天下士  
龍顏誰占日邊名寬容極口論時事衣被終身荷聖情  
願得真儒佐明主白頭應不負平生

金陵懷古

西風刮耳過黃蘆萬水東流草樹枯蟾窟一年秋色近  
鵲橋萬里客心孤青山故國新豐樹芳草王孫舊酒壚  
壯志未磨天地潤劍光夜夜照江湖

虞伯生

和李平章秋谷小車詩

雨餘宮草隱晴沙相國朝天試帝車班馬晝移溫室樹  
鳴騫晨度掖垣花寒帷每命賢俱載趣駕頻煩使至家  
此日龍門誰執御擁經正履待金華

和周待制朝回即事

三十六竿吹鳳凰九重春色絢天光卿雲被動旌旗暖  
湛露初晞草木香貝葉神師東渡嶺金輿馴象北浮洋  
小臣職在歌功德拜手陳詩對日長

岡子原呈王學士

岡子原頭春色濃  
小車晨出看東風  
雨餘林潤人烏好  
日暖沙平我馬同  
西引峰巒來座上  
東觀樓觀起天中  
詠歸莫作匆匆晚  
倘解相逢擊壤翁

奎章閣讀進中卷

玉堂策士詔儒臣  
御筆親題墨色新  
省樹坐移簷底日  
宮壺馳賜殿頭春  
虞庭制作夔龍盛  
漢代文章賈董醇  
書閣暮年偏感遇  
但歌天保播皇仁



與趙子期趨閣雜賦

日出風生太液波  
畫橋影裡彩船過  
橋頭柳色深如許  
應是偏承雨露多

雨浥輕塵道未乾  
朝回隨處借花看  
牆東千樹垂楊柳  
飛絮來時近馬鞍

春雲冉冉度宮城  
樓雪初融水未生  
行過御溝成久立  
起頭枝上有啼鶯

屏風圍坐鬢毵毵  
絳蠟搖光照暮酣  
京國多年情盡改

忽聽春雨憶江南

待漏宮門聽鑰開  
袖中進卷忌賢才奏名殿裏  
千花合  
傳詔堦前好雨來

千花拂檻柳垂絲  
晝刻傳呼淑景遲  
聖主自看新進策  
侍臣簪筆立多時

文章光焰過長虹  
來者無窮往者空  
頭白眼昏心力  
畫  
高堂深夜燭搖紅

送伯長待制扈駕之上都

日色蒼涼映赭袍時巡無乃聖躬勞天連閣道宸留輦  
星散周廬夜屬橐白馬錦韉來騶褭紫駝銀甕出蒲萄  
從官車騎多如雨只有揚雄賦最高

寄池州司直同知

使過池陽聞上日好懷浩蕩為君開江干維檝車馬集  
亭上持盃風雨來中夜魚龍聽語競明年鴛鴦候朝回  
九華山色翠可食為問謫仙安在哉

寄張伯雨

隱居聞道無人識  
麋鹿來依積海深  
每從雲氣得芝朮  
莫怪丹光穿樹林  
茅君自騎一虎下  
木客或與群猿吟  
知子此時正相憶  
遲余躡屩度千岑

送朱仁卿過盱江

羨子南歸盱水上  
過從為我問臨川  
幾家摘柚霜垂屋  
何處蒹葭月滿船  
應有交遊憐遠道  
好從父老說豐年  
寒機早晚成春服  
一一平安報日邊

興聖宮朝退次韻袁伯長見貽是日上加尊號

大禮成告謝宗廟集即東出奉祠齋宮

翠蓋重重寶扇斜從官穿柳散慈鴉過宮路遠紆天步  
上壽杯深閣雨花玉貫兩虹通象錦衣成五綵鍊雲霞  
奉祠東出蓬萊道春水鳧鷖踏漢槎

別成都

我到成都纔九日駟馬橋下春水生渡江相送謝主意  
過鄉不留非我情鷓鴣輕後下溪足鸚鵡小窻知客名  
幸得那箇酒易醉夜深冲雨漢州城

廿五日即事呈閣老諸學士

松陰鷓立候宮車風送宮花着白鬚水影漸移簾側畔  
鶯聲只在殿東隅近床擬進新琴操戴筆難題古畫圖  
太液雨餘波浪動龍舟初試散魚鳧

贈星上人

潭北湘南無影樹一花吹渡海門潮天香滿室定初起  
雲氣上衣身欲飄寶月夜寒龍在鉢銀河秋近鷓來橋  
豈無一个邛州竹與爾孤松伴寂寥

送可無上人

五公昔講時聽者不起坐虛憲悉銷殞何由見人我名  
字誰與安說義話已墮尚自無亦無更問可不可不見  
天雨花誰能拾餘朵

賦凝雲石

海石不盈握隕然如委雲危峯集遠思虛竇棲微薰天  
高太華斷日落香爐分几硯永清潤文章俄氤氲潛雷  
起神谷震驚天上聞亟視恐無及化為九龍文

送兄德脩南還

老兄五月來作客八年不見頭搃白五人兄弟四人在  
忽憶中郎淚沾臆我家蜀西忠孝門無田無宅惟書存  
兄雖篋庫完父蔭弟竊餘澤承君恩文章不如仲氏好  
叔氏最少今亦老五郎十歲未知學嗟我何為長遠道  
諸兒讀書俱不多又不力耕知奈何憂來每得二三爻  
看花把酒臨風哦蜀山嵯峨歸未得盤盤仙壠臨川側  
碧梧翠竹手所移應與青松各千尺南風吹雪河始冰



只歸烏帽何甞甞明年乞身向天子共讀父書歌太平  
澧州謝家通濟橋

澧有蘭兮沅有芷相望涓涓隔秋水蛟龍迴夜隱波深  
虹霓乘晨駕空起千年石尉何西東天下有道津梁通  
朝祠東皇蒼雲巾行人無忌懷謝公

題南野亭

門外輕塵接市局坐中春色自幽亭雲橫北極知天近  
日轉東華覺地靈前澗魚遊留客釣上林鶯轉把杯傾

莫誇韋曲花無賴，獨擅東南雨後青。

題九歌圖

太乙神君號東皇，玉質要妙含和陽。生生烝始通微茫，  
綿綿蒸空神中央。浮英上羅文，天章覆冒下滿谷。與阮  
旁塞無間靈，無方靈來乘柔往。乘剛湘君夫人鎮相望，  
清溫靜好非滛傷。司命元老元氣昌，手執藜杖色老蒼。  
歷劫壽命不可量少，君之壽同其長。離無異體，合有常  
出入萬化終不亡。晶明發晨上扶桑，海天赫赫真金芒。

質鍊不滅長垂光河源混混流湯湯伯也坐視無逃將  
千古萬古何堂堂彼幽為厲為強梁朝狸暮豹方鷓張  
精魂熠燿志氣荒招之不反巫無良屈生作歌沉九湘  
世人傳聲罕尋詳祝融仙子調玄黃九神出圖百怪藏  
不信請視虞公章

題趙子昂馬圖

憶昔從公侍書殿天閑過目如飛電池邊儘有吃毫人  
神駿誰能誇獨善今公騎鯨隘九州人間空復看驂騑

惟應御氣常相逐  
黃竹雪聲千萬秋

元風雅前集卷一

欽定四庫全書

元風雅前集卷二

元 傅習 編

張野夫

壽李秋谷

璿階曾共近清輝  
一旦雲鵬九萬飛  
再入中書今亦有  
兩封上國古全稀  
霜侵吟袖趨朝去  
香惹宮袍侍講歸  
同使斯文躋壽域  
且休回首北山薇

元明善

寄翰苑諸公

蒼烟綠樹滿汀沙，負手行吟日又斜。  
江水有時窮地脉，海雲何處是天涯。  
生前幾醉樽中酒，夢裡曾來海上槎。  
惆悵懷人重回首，晚風吹盡紫薇花。

送湖南李直夫憲使

君去湖南我上京，思君欲見又蕪城。  
滄波留月能歸海，江雁拖雲不到衡。  
一代豪華誰遠識，百年敬畏護靈名。  
好來不作男兒事，有水可漁山可耕。

送董慎齋左丞討賊

負劍先驅意氣閒也勝局踏著儒冠古來每說從軍樂  
此去不辭行路難使節再臨民志定兵鋒一舉賊心寒  
書生奮力效馳逐要寫功名久遠看

題天冠山

仙翁昔往天冠山夜呵鬼神衛爐丹丹成飛去杳不還  
藥池丹井猶山間翩翩學子風佩環華榼鉅櫬青雲端  
思玄尋躅果安訪鶴歸月落前溪灣

跋南岳壽寧觀碑後

朱陵靈臺天柱巍太虛空洞綠烟扉上館赤帝朱鳥飛  
祝融宅南參為旗羲娥兩曜愁蔽虧象緯臨逼嗟低迷  
四觀燕吳與秦齊恒嵩泰華孰崇卑五氣順布百志熙  
流祥物阜宣后祇雨風露雷豈其私惠爾下土尸者誰  
中有異人餐赤芝夜眠秋霞晝天倪衣以青雲裳白霓  
風車八極駭兩螭七十二峯足幽棲琳宮貝闕輝陸離  
潛光煉魄如嬰兒大丹入咽無渴饑誰其思之吳宗師



神變倏忽方張施冷然御風渺何之太君歲晏嘉予期  
千秋萬歲受鴻釐皇圖景運永以丕手持芙蓉朝紫薇  
旋飈天闔此來歸彰靈答貺達爾垂磨崖鐫我瑤華辭

鮮于伯機

望嶧山

東方巨鎮宗岱宗羣仙列侍臣妾同西南崛起一萬仞  
却立不屈如爭雄何年天星下天宮墜地代作青芙蓉  
外如刻削中空同閭風玄圃遙相通我昔東遊訪青童

羣仙招我遊中峯，悔不絕粒巢雲松。失身誤落塵網中，  
如今可望不可到。艤舟空羨冥飛鴻，神仙可學事亦晚。  
安用屑屑悲秋蓬，吾聞嶧陽有孤桐。鳳凰鳴處朝陽紅，  
安得斲為寶琴獻天子，為民解愠歌南風。

趙子昂

送吳汀洲

七閩南去路崎嶇，五馬承恩出帝都。地氣喜聞今有雪，  
民生寧似昔無襦。山城美酒傾鸚鵡，雨館春深聽鷓鴣。

他日相思應悵恨離筵不忍賦驪駒

采石

天門日湧大江來牛渚風生萬壑哀青眼故人携酒共  
雙眉今日為君開蒼崖直下蛟龍吼白浪橫空鶴鵲回  
南眺青山懷李白沙頭官渡苦相催

過岳武穆王墓

岳王墳上草離離秋色荒涼石獸危南渡君臣輕社稷  
中原父老望旌旗英雄已死嗟何及天下中分遂不支

莫向西湖歌此曲水光山色不勝悲

即興

春陰柳絮不能飛  
雨足蒲牙綠更肥  
政恐前呵驚白鷺  
獨騎款段遠河歸

絕句三首

庭槐風靜綠陰多  
睡起茶餘日影過  
自笑老來無復夢  
閒看行蟻上南柯

橘子花開香四隣  
綠陰如染淨無塵  
幽齋獨坐鳥聲樂

萬累不干心地春

自有天地有此溪泓澄百折淨無泥我家溪上無人到  
只疑身在青玻璃

漫興四首

竹色雨餘碧蟬聲風際清方池含綠水中有纖鱗行浮  
沉各異態亦足悅吾情坐久不成起待得月華明

露生夜將半淡然無所為草根虫鳴歇松梢螢度遲城  
市多塵雜令人心不怡茲丘亦可老已與白雲期

春晴浩無端野望欣有矚山花炫桃李澗影瀉松竹鳴  
鶴聞九臯白駒在空谷好鳥何處來啼破林煙綠

揚舲清河流開蓬素秋曉爛斑被岩花委蛇順流落天  
晴去雁高野濶行人少故園歸有期客愁淨如掃

和子俊感秋

秋至忽十日天宇豁然清涼颺旦夕至林木發商聲良  
夜不我與慨然心自驚古人久已逝念之動中情苦心  
櫻世患只博身後名今我將無同聊復得此生

東郊

晨興理孤榻薄言東郊遊清風吹我衣入袂涼颼颼幽  
花媚時節弱藻依寒流山高碧雲歛日出白烟收曠野  
得我懷欣然消我憂中流望城郭匆匆佳氣浮人生亦  
已煩慮養要須周約身不願餘尚恐乏所求且當置弗  
念變化終歸休

奉隆福召命赴都過德清別業

驟暄氣候變幽園卉物淒山雲石上起春鳥雨中歸牽

金匱要略卷之四  
衣憐稚子舉案愧山妻苦被虛名累未得遂高樓

雪石同子俊遊何山次韻

同是清閒客俱為放浪遊晴山依雪壯野水帶水流風  
急松杉亂年登薺麥收生涯須未老吾欲覓菟裘

送耶律伯強得請歸東平侍父

麟鳳出瑞世不受虞衡拘郊藪亦可遊豈必在軒除明  
時靡遺才治世容隱居振衣齊魯間脫屣風露衢衆進  
我獨退卓然君子儒西漢有芳躅東門祖兩疏路人亦



嗟惜哀哉二大夫伊余獨何幸乃得尾送車恨不生羽  
翰與子東南俱臨分無以贈善保千金軀

贈別夾谷公二首

驅馬原隰間經時不遑休昔來日在斗今去麥已秋王  
事有裨益晏安非所求翩翩晨風翼一舉逝莫留誰令  
匏瓜繫自懷離別憂

青青蕙蘭花含英在中林春風一披拂胡能見幽心相  
去千餘里會合大江潯促席談今古知我亦何深此別

雖非遠離思渺難任公其愛體素尚無金玉音

春陰

日出晨景淡散髮步中庭仰見濯濯柳春風暢人情茲  
晨豈不佳誰能念陰晴人生亦良晚疲勞竟何營萬事  
可撥置舍道馬求成

出都

都邑何雄麗車馬日夕喧鷄鳴趨蘭省日夕不遑眠茲  
晨奉明詔馳駟東西奔雪積原野白路脩烟塵昏馬鳴

朔風起吏士慘無言還顧望帝鄉更覺勞心魂我今無  
家客斷蓬離本根願為雙飛鶴奮飛入青雲

張詹事遂初亭

青山遶神京佳氣溢芳澗林亭去天尺萬狀爭自獻年  
多嘉木合春晚餘花殿雕闌留戲蝶畫梁語嬌燕退食  
鳴玉珂友于此中宴鐘鼓樂清時衣冠集羣彥朝市塵  
易侵圖書味方遠紛華雖在眼道勝安用戰初心良已  
遂雅志由此見何事江湖人山林未成願

送瓜爾佳分省陝西

憶昔長楊獵于時始識公堂堂九尺幹落落萬夫雄補  
袞彌縫密能書點畫工勞謙延士類宜弟到兒童黃閣  
歸人望青雲有父風驅馳常扈從奏對每留中暫輟尚  
書履榮分陝右弓秦山依畫錦燕雪感飛蓬粉署趨承  
舊瀛洲忝竊同因分動鄉思飛夢到江東

題商德符所畫桃源春曉圖

宿雲初散青山濕落紅繽紛春水急桃花源裏得春多

洞口輕烟搖綠蘿  
綠蘿搖烟掛絕壁  
飛流直下三千尺  
瑶草離離滿澗阿  
長松落落凌空碧  
鷄鳴犬吠自成村  
居人至老不相識  
瀛洲仙客知仙路  
點染丹青寄輕素  
何處有山如此圖  
移家欲向山中住

題二喬圖

長江東去水滔滔  
誰謂河廣不容刀  
中有喬家女兒淚  
何意師昏隨二豪  
龍虎相爭欲相啖  
鸞鳳鍛翮將安逃  
不見當時老諸葛  
獨聘醜婦何其高

書事四首贈孫思順

溪上東風吹柳花  
溪頭春色淨無沙  
白鷗自信忘機事  
玄鳥猶知有歲華  
錦纜牙橋非昨夢  
鳳笙龍管是誰家  
令人長憶東陵子  
擬問田園學種瓜

天涯相遇兩相知  
對榻清談玉屑霏  
芳草謾隨愁共長  
青春不與客同歸  
薰風池館蛙聲老  
落日簾櫳燕子飛  
南浦他年重到日  
湖山應識謝玄暉

露下碧梧秋滿天  
砧聲不斷思綿綿  
北來風俗猶存古

南渡衣冠不及前，首荷搃肥宛駸衰。  
琵琶曾泣漢嬋娟，人間俛仰成今古。  
何待他年始惘然。

層巔官閣幾時脩，檻外長江空自流。  
白露已零秋草綠，斜陽雖好暮雲稠。  
平南籌策張華得，治內人才葛亮優。  
景物未窮登覽興，角聲孤起甕城秋。

感興

三月江南鶯亂啼，百花爛熳柳依依。  
殘紅無數迷歌扇，嫩綠多情妬舞衣。  
寶鴨焚香川上暝，畫船攪鼓月中歸。

只今零落秋風裏把酒無言對落暉

題山堂

手種青松一萬栽山堂留得翠屏隈  
推窗綠竹排檐入臨水紅桃對鏡開  
山雉離迎朝日去野禽啼傍夕陽來  
山妻亦有幽棲志數日遲留不肯回

過故廢苑

一片中原地紛紛幾戰爭至今將不去  
留與後人耕

題秋胡戲妻圖



相逢桑下說黃金料得秋胡用計深不是別來渾未識  
黃金聊試別來心

丙吉問牛

博陽陰德澤堂廊民物周流鬢髮蒼髯為吳捷駐車問  
諸公但飽大官羊

題陶母待賓手卷

范遠誠孝廉陶侃固英特英特未可知門有孝廉客傷  
哉陶母貧剪髮易酒食此意固自佳此髮足可惜此髮

足可惜兒心將奈何丈夫淡相與豈以酒食多平生郭  
林宗何如茅季偉

程雪樓

寄牧庵參政

黃雀山頭楚觀鐘喚醒塵夢久從容歸來坐聽春林雨  
還憶簾前翠萬重

閻靜軒

梅杖

凍遍西湖萬玉柯春風入手重摩娑較量龍竹能香否  
比並鳩藤奈俗何聲破夢寒霜滿戶影隨詩瘦月橫波  
只知功到調羹盡不道扶持力更多



元風雅前集卷二

欽定四庫全書

集部  
元風雅前集卷  
三五

詳校官通政使<sub>臣</sub>夢吉

助教<sub>臣</sub>常循覆勘

總校官庶吉士<sub>臣</sub>倉聖脉

校對官中書<sub>臣</sub>范來宗

謄錄監生<sub>臣</sub>龔果

欽定四庫全書

元風雅前集卷三

元傅習編

文趾王

大明殿侍宴

班陪玉筍侍紅雲日表熙熙瑞氣溫萬派朝宗滄海濶  
衆星環拱紫宸尊雍容湛露歌詩什彷彿鈞天入夢魂  
孤尊秋毫皆帝力願殫忠赤報深恩

送駕至上都過關口而回

金史紀事本末卷三十三  
卷三  
控轡追隨寶馬羣古長城外送金根仙蹤縹緲鸞聲遠  
客路崎嶇燕尾分喜見重瞳開日表何勞八翼夢天門  
梅岩有約人知不幾處朱欄看白雲

送元明善赴京

江流脉脉草離離黃鶴磯頭酒一卮報國忠心憐我老  
論文半面識君遲正當舉鼎調梅日又是長亭折柳時  
收拾琴書歸路穩鳳城依約更相期

送李龍川平章赴闕

雪滿長亭酒滿斟  
楚山千疊水千尋  
梅青半識平生面  
桐老相知太古心  
雁影南樓孤月冷  
馬頭北闕五雲深  
二毛越叟情無限  
獨向南窓袖手吟

輓布拉吉達河南王

哲人萎矣棟梁傾  
回首西風涕暗零  
三世功名今古史  
百年過客短長亭  
手扶紅日名猶在  
身就黃梁夢不醒  
記取汾陽舊勳業  
紫薇留種繼芳馨

萬歲山侍宴



碧漢鳴鸞隔世塵  
玉京開宴會星辰  
舞迴鼇背千山雪  
酒上龍顏萬國春  
物被仁風榮御苑  
水流聖澤溢天津  
越南羈旅陪賓列  
咫尺光瞻日月新

駐馬渡頭

大別山頭漢口前  
吳王磯下沔城邊  
立殘秋水隔灘鷺  
噪落夕陽何處蟬  
赤壁冷烟銷魏卒  
黃州淡月照坡仙  
英雄瀟洒名俱在  
我愛狂吟不媿天

鄂館書懷

蕭然孤館起淒風半壁青燈照病容  
滴碎秋心窗外雨  
敲殘曉夢枕邊鐘  
衡陽雁斷三千路  
巫峽猿啼十二峰  
不盡關山回首處  
暮雲叠叠水重重

秋晚睡覺

海水盈盈漏轉籌  
海風吹角出譙樓  
夢殘淡月五更曉  
心遠孤雲萬里秋  
玉帛幾年賓上國  
詩書半出老中州  
平生事業渾如昨  
無奈青燈照白頭

徐參政

題吳城山石罟

滌罟滌罟中應雙一在陳庭一此鄉  
楷筭已隨毛血化石稜尤作劍鋒  
鋼知音士適逢坡老得寶神應相  
豫章廟令收藏要如法試看垂夫  
在東房

劉侍史

九日按上都過陸丘

瘦馬行吟萬壑中浮萍身世幾西東  
山空雨洗千崖翠酒薄顏添半面紅  
滿徑荒叢推夕露一庭黃葉走秋風

陸丘又是重陽節  
流落天涯愧老翁

過陸丘縣

白露擁蒼石  
紅葉侵寒水  
騎馬下山來  
啼鳥忽驚起

梁宣慰

過湖登樓

樓前秋水健帆開  
樓外秋風舞袖回  
萬里梯航通鳥道  
四時風雨護龍堆  
江山如此不一醉  
歲月幾何能再來  
欲問老髯求鐵笛  
夜深吹上紫荆臺

何理問

題宜春臺

山外青山樓外樓  
楚雲迢遞暮天秋  
千年綵鳳鳴高阜  
一道長虹鎖碧流  
舉目但知天地濶  
凭欄不管古今愁  
二仙縹緲成陳迹  
我亦飄然賦遠遊

張天師

四景

初日暉暉照翠苔  
庭前昨夜碧桃開  
一簾香霧被風動

知是仙人騎鶴來

深院棋聲日正長  
博山添火試沉香  
道人鞭起龍行雨  
帶得東潭水氣涼

天際涼風似水流  
山中瑤草不知秋  
黃庭讀罷無餘事  
鐵笛一聲閑倚樓

養就還丹不怕寒  
獨騎黃鶴上雲端  
笑談借得天家雪  
散作琪花滿石壇

吳宗師

獲玉印

三茅山道童遇白兔入穴掘之得一玉印乃  
九老仙都君印宋宣和時物也

瑤瑛篆刻鎮華陽猶帶宣和雨露香玉兔有靈開地藏  
金童無意得天章九重臺上增春色萬里書中耿夜光  
喜遇明時薦神瑞三君珍重護宏綱

六月十六日早朝偶成八句寄山中諸友

五年四覩六龍飛又領羣仙覲紫薇金殿烟雲浮黼几

玉階日月麗旌旗羣臣奉璽勤三讓國母臨朝重萬幾  
選食蟠桃知幾次客星還照釣魚磯

滕玉霄

題闕

台星移次福江西萬馬攢蹄夜不嘶鼓角聲隨山月上  
旌旗影拂海雲低心惟一正千官肅事不多言萬物齊  
帶得天邊新雨露曉看春意滿鋤犁

謫會昌二首



莫謂文章不直錢，布衣親到玉皇前。  
好詩未足三千首，又為梅花入瘴烟。

錦衣來作夜郎客，紈扇忽逢春夢婆。  
太平宰相知我者，誰使醉後狂言多。

舟中

拍拍有懷天可語，落落不遇吾何歸。  
廬山蒼蒼江水急，明日鶴背西風飛。

贈弓秋蟾

瓊花十里小樓紅醉吞牛斗眠長虹十年四海分萍蓬  
一笑邂逅滕王洪床頭回首黃金空但覺耿耿盤心骨  
問蟾何不歸蟾宮自有老月留身中誰受一粒金丹紅  
學得紙上畫墨龍白晝呼吸風雲從頃刻霧暗天濛濛  
妙處巧奪造化工不復知有陳所翁君不見金陵壁上  
不點瞳點瞳霹靂驚江東我欲煩君具毫楮畫一小龍  
回顧母普令天下生孝心不向江湖長驗雨

感寓六首

宇宙忽空濶飲馬萬里流平生負兩眼及此行寓州天  
清健鷗運木脫肥鷹投長風吹海雨濯我紫綺裘相逢  
半遊俠把酒髯如此慷慨說史記歷歷山川秋向來衣  
帶水日短何無舟

吾愛東方朔高揖金馬門向非玩六合安肯來崑崙昂  
昂九天身談辨黃河翻誰知上書意蛾眉不自婚不見  
馬相如俛首狗監息人生非桃李何故不自言

吾愛李太白玩世如遊龍自知天上謫何必人間容海

風吹綠髮蕭蕭卧雲松我昔夢見之遺以金芙蓉清輝  
恍在眼月落娥眉峰

西風桂花落我上天台山仙子扶我手冷然蒼水環乘  
鸞者誰子飛烟渺難攀三生此遊戲弄影銀河灣空山  
忽風瀑四顧鳴潺湲長揖馬子微此豈非人間

春風如綠波淡蕩洛陽柳高樓語錦瑟落花泛綠酒何  
人白鼻騮蒙茸紫貂袖一字或未識銀兔懸兩肘煌煌  
貝宮珠迺落緋蕭手爰居偶鐘鼓犧牛竟文繡終然同

一畫豈復論好醜誰知草玄者窮卷閉白首

船頭書十乘船尾酒百壺酒盡書在眼落月如明珠忽  
悟八陣法縱橫始河圖惜哉經世士未有窺唐虞季子  
相六國所見惟陰符

元日對雨

冷雲捲雨宿岩阿又見東風長薜蘿宇宙千年光霽少  
關河百戰亂離多鐵心不入利名冷綠鬢堪供歲月梭  
試筆尋詩詩未穩梅花樹下少婆娑

湖西小樓

不如載酒此凭欄  
水色山光蔚可餐  
紫翠挾春排坐濕  
玻瓈湧月入窓寒  
蒼茫白鳥鳴幽嶼  
掩染飛花漾碧湍  
但令風光入吟嘯  
畫船綺袖不須看

所見

何時結屋亦雲根  
隔水人家可輞川  
萬仞雲山凝曉碧  
一弓風日弄秋妍  
虛名豈用傳身後  
俠氣猶能累眼前  
料理寒香微雨外  
已拚蕭散待流年

吟到

吟到西風黃葉枯  
新愁幾點落寒蘆  
乾坤萬象俱吾有  
烟雨一門何處無  
流水悠悠吾道在  
浮雲擾擾世情疎  
午窓喚醒華胥夢  
古木岩頭聞鷓鴣

訪隱

西風短褐飛黃埃  
何不從我遊蓬萊  
狂歌醉舞下山去  
後夜月明騎鶴來

吟人

吟人瘦倚曲欄杆  
酒醒香消午夢殘  
燕子不來春社去  
一簾疎雨杏花寒

夜雨

未到黃昏緊閉門  
怒雷挾雨過前村  
老人熟睡渾不覺  
風捲濤聲入夢魂

半生

半生獨受春風淺  
萬感相隨秋夜長  
隱几無眠聽落葉  
松梢搖雨濺山房



僧舍

一枕松風入夢清  
空庭夜雨暗禪燈  
山中酷愛僧居好  
得似山中不着僧

馮海粟

題黃鶴樓

鶴樓千尺倚晴闌  
大別山前舞峻鷺  
昨日英雄無問處  
依然江漢湧波瀾

題揚州瓊花

錦帆隱隱到天涯  
古道殘陽泣暮鴉  
莫為龍舟更惆悵  
廣陵依舊看瓊花

題墨肘魚

平生骨氣占南風  
玉色鬚鱗海汐通  
莫與粉紅參石首  
天機袞袞水流東

旌表申孝子門

竹燮輕輿到處安  
水溫半菽盡情歡  
寸心不暫三暉置  
萬頃何如一畝寬  
高蓋門閭華黼黻  
斑衣歲月老巾冠

遙憐續漢書申孝千古申屠又有螭

吳草廬

自警二首

前丙寅十八歲作

氣昏嗜卧愛非輕纔到更初困倦生必有事焉常恐恐  
直教心要强惺惺總當意思沈如醉打起精神坐到明  
着此一鞭能勇猛做何事業不能成

元來一片虛靈府埋沒經年澤穢場不特通時多走逸  
覺於靜處亦飛揚晝間常被事牽引夜後猶隨夢掇攘

喚起主人翁警省自家三徑不容荒

題閭皂山

漢吳仙跡兩峯齊  
欲拾瑤花路恐迷  
寶殿青紅疑地湧  
林巒蒼翠接天低  
九重香案分雲篆  
八景琅函記玉題  
仙鶴翔空清似水  
步虛聲在朶雲西

題蘇李泣別圖

節旄盡矣自須存  
此日生還侍主恩  
石校漫循推結泣  
平陵有子廣無孫

書李伯時九歌圖後

李家畫手入神品楚賢流風清凜凜誰遣巫陽叫帝閭  
為招江上歸來魂音紛紛音紛紛柱高辰遠聰不聞扶  
桑初暎海橫雲司命捕物沉在釣洪纖厚薄無齊勻公  
無渡公無渡衝風起螭龜怒夜猿啾啾天欲雨天欲雨  
迷歸路歲晏山中採蘭杜靈脩顧顧復去莫怨瑶臺神  
女妬坎坎鼓進芳醕恥作蠻巫小腰舞千年往事今如  
新摩挲舊畫空愴神騰身輕舉一回首楚天萬里江湖

春

送陳小庭之廬山

匡廬幾千仞崔嵬上有天仙相往來我欲遊之未遐遠  
君今往矣何時回我遊我意亦無他君遊君意還如何  
豈為昔人詩句好豈為其間僧舍多天池升在最高頂  
谷簾界天直下懸河我觀此水注湖注東注入海復隨  
海日騰湧上天徧飛洒飛洒浩浩蕩蕩無塵界萬生活  
動增姿態流轉無窮萬萬載更萬萬載匡廬山不改

晦庵畫像贊

義理密微蠶絲牛毛心胷恢廓海濶天高豪傑之才聖  
賢之學景星慶雲泰山喬岳

寧可無頃

風吹枯木不搖水激方輪不動畢竟有木有輪惹起風  
號水湧雖如泡影露電也被眼根覷見諸有都歸變壞  
萬劫一空長在

元風雅前集卷三